

absque parvulis, & gregibus atque armentis, quæ dereliquerunt in Terra Gessen, ut patrem (mortuum) transferret, sepeliretque in terra Chanaan.

Gessur. 2. Reg. 3. v. 3. inter filios Davidis tertius est Absalon filius Maacha filiae Tholmai Regis Gessur. 2. Reg. 13. v. 37. 38. Absalon, quod sororem suam violasset Amnon, illum occidit, fugitque ad Tholomai avum maternum, filium Ammiud, Regem Gessur, & ibi mansit tribus annis.

Gessuri Regio, quam Tribus Manasse 2. possedit, ut & Machati. Deuter. 3. v. 14. Jair filius Manasse possedit omnem regionem Argob usque ad terminos Gessuri & Machati. Josue 13. v. 1. 2. & seq. universa Gessuri est inter Regiones necdum forte divisas, sed statim dividendas. v. 11. & Galaad, & terminus Gessuri & Machati, & omnis mons Hermon, & universa Basan. v. 13. nolueruntque disperdere filii Israël Gessuri, & Machati, & habitaverunt in medio Israël. 2. Reg. 2. v. 8. 9. Abner princeps exercitus tulit Isboseth filium Saül, & Regem constituit super Galaad, & super Gessuri, & super Jezraël, & super Ephraïm, & super Benjamin, & super Israël universum.

Gessuri pagus in Idumæa. 1. Reg. 27. v. 8. & seq. David & viri ejus agebant prædas de Gessuri, & de Gerzi, & de Amalecitis: Hi enim pagi habitabantur antiquitus euntibus Sur usque ad Terram Ægypti. In historia Davidis cum profugus apud Achim in Siceleg morabatur.

Geth una ex quinque Satrapiis Philisthinorum, & ex qua fuit Goliath, quem armatum inermis David fundâ percussit: & capite abscisso celeberrimæ Israëlitis victoriæ locum dedit. De urbe Geth, & Gethæis mentio est in Josue, in libris Reg. & Paral. Quater etenim in Philisthæos bellum movit David: in quibus Gethæi aliquot, & ut plurimum Gigantes percussi sunt. & 1. Paral. 18. v. 1. factum &, ut percuteret David Philisthiim, & humiliaret eos, & tolleretur Geth, & filias ejus, i. villas, & viculos ipsi subjectos, de manu Philisthiim. 20. v. 6. Aliud bellum in Geth, quam David cepit. Roboam eandem restauravit, 2. Paral. 11. v. 8. Hazael Rex Syriæ eam etiam cepit, 4. Reg. 12. v. 17. & Ozias Rex Juda ejus muros destruxit, 2. Paral. 26. v. 6.

Geth-Epher, Jos. 19. v. 13. in Tribu Zabulon, eadem mihi est atque ea, quæ longè postea Jotapata Josepho dicitur in vita sua, & quam acerrimè defendit, quâ captâ & incensâ Josephus ipse capitur, & captivus Romam ducitur. Cæterum Geth-Epher, sive Geth-hepher Jonæ Prophetæ patria est, 4. Reg. 14. v. 25. ubi terminos Israël ab introitu Emath ad mare solitudinis restitutos esse ait secundum sermonem Dei, quem locutus est per servum suum Jonam filium Amathi Prophetam, qui erat de Geth, quæ est in Opher. Jotapatæ situs, & urbis obsidio, & excidium vide apud Josephum 3. Bell.

Gether. Genes. 10. v. 23. filii Aram: Us, & Hul, & Gether, & Mes. sed 1. Paralip. 1. v. 17. filii Sem (dicuntur) Ælam, & Assur, & Arphaxad, & Lud, & Aram, & Hus, & Hul, & Gether, & Mesech; ubi notandum aliquando nepotes cum filiis censer; sic & aliquando Lot dicitur frater Abraham, & aliquando filius Aran fratris Abraham.

Geth-remmon decima sexta urbium, quas Josue dat Tribui Dan, 19. v. 45. poniturque inter Barach & Mejarcon, & postea Levitis è familia Caath ea conceditur, 21. v. 24. & 1. Paralip. 6. v. 69.

Geth-remmon alia est in Manasse. V. Balaan.

Giblii. 3. Reg. 5. v. 18. Giblii præparaverunt ligna & lapides ad ædificandum domum (Salomonis.) Ezech. 27. v. 9. fenestras Giblii. Putatur hic ubique Giblii nomen esse pro Biblii ab urbe Biblus, sive Byblus.

Latit. Gr. Scr.	Longit. Gr. Scr.
--------------------	---------------------

33. 14.	68. 6.
---------	--------

33. 15.	68. 5.
---------	--------

31. 0.	65. 0.
--------	--------

31. 55.	65. 52.
---------	---------

32. 37. $\frac{1}{2}$	67. 27. $\frac{1}{2}$
-----------------------	-----------------------

34. 0.	23. 0.
--------	--------

31. 54.	65. 58.
---------	---------

34. 25.	67. 40.
---------	---------

32. 21.	66. 53.
---------	---------